

篷

窗

隨

錄

篷窗隨錄敘

余自庚子迄辛亥十二年督運往來計水程七萬餘里
爲日二千有奇春末登舟旋歸速則七月遲則八月
間或至十一月大都長夏無不在舟中每當侵曉開
窗致有爽氣午睡初足臥聞水聲罕案牘之勞無不速
之容不衫不襪襟懷瀟灑渾忘酷暑並不覺此身在仕
宦場也雖風狂浪賊運丁狡獪人且視爲畏途然余幸
邀神祐遇險而安平日爲運丁剔其蠹恤所苦訓誡款
款咸知奉法舟行尚無敢延誤乃得於閒暇時披卷搨
管藉消永晝所過垂楊夾岸秀麥連隄疏村小聚田夫
野老熙熙藹藹觀舟航之整肅驗人情之踴躍對景物

之融和殆真有如沈起元序王君督運圖所云者茲秉
臬中州偶檢篷窗所錄稟付劄劄公餘翻閱又恍如風
帆翼張邪許聲歇靜坐柁樓底看四面無數山光互相
送迎時也錄中凡習見及現在人著作悉不載云咸豐
壬子秋七月沈兆溥自序於河南按察使署之嘉石庭

篷窗錄敘

從古名臣宦游之地愈久則德政之入人愈深而人之
謳思亦愈切偶有紀載後世之士生其地者輒反覆披
尋而不忍釋手謂是先生宦吾鄉時之所作也而當時
親炙之士被澤嚮慕更可知矣雲巢夫子以名太史出
守江南游擢監司垂二十載文章政事都人士咸樂誦
之茲篷窗錄蓋督糧江安時所手輯者編中採擇多關
國計民生一舉筆而不忘乎國與民實一舉念而不忘
乎國與民也民之不能忘公也亦固其宜咸豐紀元榮
擢中州次年公暇彙付剞劂旋有師旅之命軍書旁午
未及告成迨戡定豫南移節山右時艱事鉅亦復不遑

回首江東戰船如織昔年書畫今變干戈烽燧連天蒼
生誰託棠陰如昨空切去思而公數年來保巖疆籌善
後攝藩秉臬兵刑錢穀棘手勞心欲如當日時清政暇
搦管舟中恐亦不復得此樂矣丙辰之歲友竹世台觀
察山左勤求治蹟世德彌光需次餘閒重校付梓鏤以
子山之漂泊作王粲之遠游復荷垂青招居東閣俾與
參訂用告厥成嘻誠異矣鏤固江左末學曩垂髫時肄
雅觀光曾受公國士之知者也此書錄於江南糧艘刊
於中州柏府軍輿見阻遂輟半編宦篋遠攜由豫適晉
山晉適魯輾轉數千里稽遲六七年而仍使江南之士
得從旁參核於其間此實公愛江南之人而不忍棄耶

亦由江南之人思公而不能置耶抑亦士得知己可以
無憾天特留以待之使附驥而名彰耶千載而下讀是
書者必將溯及德政而穆然神往於先生宦江南坐官
舫也咸豐丁巳夏四月既望金陵受業蔡懋鏞謹識於

濟南公廨

書雲巢廉訪篷窗錄後

篷窗錄者雲巢廉訪官江安糧道時輯錄前人奏疏詞章嘉言善行以及藥方書畫之屬皆有關於國計民生持身涉世舊聞掌故書中體例及作書時口廉訪自敘及蔡君敘詳矣昔沈起元敘王君督運圖言圖其逸不圖其勞廉訪自敘亦言運舟之逸余竊意

國朝漕政承明季之弊長運久困自來官漕運若蔡公士英楊勤慤朱莊恪數公者當世所稱賢能君子皆不勝病苦廉訪獨從容暇豫瀟灑著書豈其才出數公上或勞於前而逸于後抑久焉而習其事得以逸而忘勞者耶故事糧道督運艘至京師三運則部臣以積勞引

觀率不久遷去而廉訪自庚子迄辛亥督運凡十二年
昔人所稱居位久而受任專其效畧可覩矣夫以文學
禮義爲官遷留滯此爲百石卒史言非所論于繡衣直
指承

天子命督諸道者也譬工人之操器騏驥之就途熟而
安焉不然廉訪日以勤訓屬吏而顧斤斤焉自詡其逸
哉余官晉始識廉訪每議論述前人事必悉本末於屬
吏喜輻幅無華之士其論刑法折衷于儒術治事之暇
端坐誦書未嘗少輟益歎無時而逸者乃終身不見其
勞也書以質之廉訪且以諗世之讀是書者咸豐七年
閏五月辛卯貴筑黃輔辰識

奉題篷窗錄

宗稷辰

片善服拳拳羣言收齷齪取裁極含宏選要關大體達
者良臣模窮者君子斐經緯咸著明忠孝各噓唏不圖
篷窗中筆劄齊子史卓然當代寶光氣騰瓌偉自皆通
本源何必連首尾頃來扣舷讀富哉列前軌一讀一警
省鑿心悉名理莫作衆說看載道文有幾何以贊鴻編
千秋垂壽豈

自題篷窗錄

牙籤滿載箬篷中往返張帆總順風

夏北上多南風秋
冬南旋多北風

夜靜文光高射斗舟行我愛米南宮

不攜妻妾與兒孫不事撈菰與酒尊誰信閒中忙未了
檢書操管閱朝昏

丁沽直北鳳城邊蟬噪槐黃六月天吟誦水窗聲達岸

旁人錯認秀才船

時與應秋試船同行岸上
人輒云此亦似應試船也

手鈔奏疏與詞章兼采箴言及藥方我本迂疏慙博覽
不須狐鬼說荒唐

山川能說快登臨作客休誇擁鼻吟幾度錦衣行故里
畿南水利劇關心

星輶當日莅湖湘欲載餘聞久未遑此帙紀程無一語
長途歲月寄書囊

戊子典試湖南欲仿漁洋隴蜀
餘聞成楚行載筆一書未果

篷窗隨錄凡例

一是編所錄皆

國朝名人著作惟現存者不載

一頌表諸作沈博絕麗美不勝收未能悉載餘皆
有關學術政治兼及人物考徵稍涉俳優者概
不錄

一奏疏諸篇錄自

皇清奏議及各名臣本集不敢妄有增刪

一直隸河道水利不厭多錄用資攷證

一文以體分事以類從不統按作者先後次序

一凡擡寫空格處悉照原文恭錄

一先達著作已刊者不下數百家茲就行篋所攜
隨錄成編不免挂漏之譏

一詩賦楹帖及隨時聞見附錄

蓬窗隨錄總目

天津沈兆澐雲巢甫輯

男

維璣校

卷一

頌

卷二

表

歌

賦

卷三

疏

卷四

疏

卷五

蓬窗隨錄

總目

疏

卷六

疏

卷七

摺

卷八

論

卷九

議

卷十

考

辨

說

卷十一

序

記

書

卷十二

傳

卷十三

書事

書後

卷十四

雜著

末二卷

附錄上

附錄下

篷窗隨錄卷一

天津沈兆溥雲巢甫輯

男維敬校

目錄

頌

聖主躬耕藉田頌

杭世駿

聖主臨雍禮成頌

杭世駿

聖駕五巡江浙頌

汪注

平滇頌

尤侗

平蜀頌

尤侗

聖主躬耕藉田頌

有序

抗世發

臣聞道民之路在於務本務本之要職於重農藉田者聖王所由敬崇宗廟社稷之塗盛而以農事勸民事也書益稷之謨曰烝民乃粒萬邦作乂周思民之頌曰立我烝民莫匪爾極載考傳記尤稱博矣

皇上體祁姚之德勤后稷之功立中和以視農辨上下以合禮乾隆三年二月辛亥

親帥王公大臣以下藉於千畝之甸告虔事也爾乃句芒效職盛德在木巽風融洩解雨霖霖土膏動矣青壇嶽立翠幕雲布遐阡繩直方卦拱互

井畺正矣掌舍設桓甸師清畿司徒具徒太常
授儀典文治矣倉庚于飛杏華屬野葱韞在輓
蒼龍先馬時物備矣

皇上撫御耦以三推咨保介以終畝三事九司咸共
舉趾于耜佐

天子成禮焉抑臣聞之訪國美者藉舊史考方載者
在往牒臣嘗驗之隆古虞周之盛咎繇作歌召
伯矢音非徒侈一朝之盛美亦將使大君之德
昭然耳目而自昔秦始躬藉亦有辭賦元嘉親
耕厥著簡冊矧我

皇上道隆君極念切民理茲大典舉行宜有高文鉅

辭潤色鴻業垂之萬世永永無極臣弗揣固陋
謹於動容發音之下效康衢之謠敬獻
丹辰用備采擇辭曰於

皇

清廟奕燿蕭燼曾孫孝享明德維馨亦有嘉薦神倉
高廩于豆于登實粟實穎明昭

上帝俾大而昌百室盈止自天降康思樂春郊

君子是躡榮暢協風祥暉麗日爰區九穀爰召三農
儲駕塵左物有其容其容孔嘉祁祁喬喬有坻
有櫛有芬有苾迺咏大田乃載鎡鋌雨我公田
遂及我私酌酌南畝我

后履之駢駢氓作我

后喜之匪惟履之汜濩澤之匪惟喜之尙飲食之我

日斯所我物其所實屢豐年用荅

后勤德之勤矣下民之主歲之屢矣

上天之祐欽哉欽哉咨爾九區

聖主臨雍禮成頌

杭世駿

皇帝御極之三年歲在著雍月維脩癸

詔有事於太學先期下所司各庀職以上考國程稟
經義用丕集於禮甚盛典也於是日官吉蠲禮
官具儀大胥簡徒司樂受器事將屆

皇帝蒞於齋宮三日齋迺陳

法駕詣辟雍躬釋奠大臣陪位小臣就列六軍七校
既匡既肅禮成

上御彝倫之堂進師儒等官敷闡經術論以迪教育
材之法于時生徒萬人圍橋瞻企咸稽首願化
仰奉

聖天子盛德作人至意臣以史官得與觀聽親望

休光良用忭悅退乃研精竭誠欲以微詞導揚美善
深惟禱昧實懼且慙謹按古學之制書傳可見
自五帝始其曰成均蓋以成養人之性情而均
一之也亦越有虞厥名曰庠夏商迭興各建名
義姬氏受籙兼用四學設教之方於斯爲備漢
唐宋元迄於明代時際泰運莫不攷古樹儀數
典具物我

朝

列聖肇一區夏大啟學流文德錫極

世宗憲皇帝丕承前烈茂典有加稽古崇儒重道之風

興行右文之治從未有如

國家之盛者也

皇上以生知之哲紹執中之傳典謨總於一心聲教
訖於四海國有嘉禮次第舉行茲乃

親臨學宮修明大紀煌煌焉秩秩焉備哉燦爛真神
明之式也臣嘗載觀詩傳如於論鼓鐘鎬京辟
雖諸什咸登於咏歌宣之金石一時所傳千古

谷誦今乃幸際

昌期預觀明備敢以淺鄙妄擬發攄然自臣子近光
之願下士鳧藻之情誠有不容自弇者謹獻頌
一篇拜手稽首以

聞頌曰

天生烝民有物有則克綏惟

后曰攸好德戢戢有眾其羣千億翼翼秀良萃此

王國王國所儲下土所謂禮容樂服稱是令譽若彼

良畝惟謹苗畚若彼純璞琢爲珩琚珩琚鏘鏘

多士濟濟我

皇顧之嘉樂豈弟迺詔太常迺命司啟青陽之吉式

昭典禮典禮戒備

皇帝攸行物瑞雲炤神總氣昌玉振金聲而道大光

前

聖後

聖合德一堂堂皇業業上棟下宇銀榜環林重檐夾
庶犧奠青黃冠堂黼黻樹羽崇牙象筍鼉鼓乃
考鼉鼓列辟左右敷席振策奉璋贊卣槐蔭成
行棫樸薪樗凡此羣材悉爲

帝有

帝有恩言如春斯暄

帝有恩植如卉斯蕃陳詩論藝勿告勿諼鼉誦夕居

曰惟

帝恩明明

列祖教澤孔湔

皇上善述野無伏賢儒風浹宇文思啟天百物熙皞

展唐虞年勛哉多士敬修厥詣或德而財或道
而藝庶幾大成以承

帝筮小臣矢音用告世世

聖駕五巡江浙頌

集十三經衍
時邁十五章

注 注

聖人治天下

孟子

九功惟敘

書經

百姓休和

春秋左

傳

光被四表

書經

無所不通

孝經

以昭受

上帝

書經

於緝熙單厥心

詩經

兢兢業業一日二日萬

幾用誠和萬民

書經

以歲之正

儀禮

在庚日上

章

爾雅

孟春之月

禮記

南巡狩

書經

重巽以申

命

易經

董正治官

書經

行農施惠

禮記

卽康功田功

永底烝民之生

書經

禮也

春秋左傳

惟天地萬

物父母

元后作民父母

書經

保合太和以左右民

易經

凡厥

庶民食哉惟時書經時以作事事以厚生春秋

左傳

非家至而日見之也孝經忠厚之長慈惠

之師春秋左傳不解於位詩經有功德於民者

禮記

入其疆則有慶孟子

天子非展義不巡狩春秋左傳巡狩者巡所守也孟子

子東南曰揚州周禮吳東方之大國也春秋穀

梁傳越者能以其名通也春秋公羊傳其山鎮

曰會稽其澤藪曰具區其川三江其浸五湖其

利金錫竹箭周禮山林藪澤之利天地之美具

焉春秋左傳

天子之力臣禮記八告儀禮兪曰書經羣黎百姓詩

經 引領北望如百穀之仰膏雨焉 春秋左傳

天子曰予一人 禮記 欽崇

天道 書經 率由舊章繩其

祖武 詩經 奉三無私以勞天下 禮記 物土之宜而布其

利 春秋左傳 必知其情辟於其義明於其利然

後能爲之 禮記 一遊一豫無非事者 孟子 乃擇

元辰

乘鸞路駕倉龍載青旂 禮記 京師之野 詩經 至于岱

宗 書經 過大山川則用事焉 周禮 祝史正辭 春

秋左傳 五嶽視三公四瀆視諸侯 禮記 及河 春

秋左傳 觀其流泉爰究爰度 詩經 克享

天心告厥成功

書經

自南河至於江

禮記

吳越之間

爾

雅

諸侯待於境

禮記

攷乃職事無所不敬戒

周

皇帝清問下民

書經

周視原野修利隄防

禮記

有孚

惠心其益无方

易經

邦縣之賦

周禮

大賚于四

海

書經

曰造士曰進士養耆老出輕繫

禮記

普

天之下

詩經

無不欣悅

禮記

當是時也

孟子

甘

雨時降

爾雅

四方風動

書經

萬物以嘉

爾雅

天子布德行惠以陰陽爲端以四時爲柄五行以爲

質禮義以爲器人情以爲田

禮記

海隅蒼生罔

不率俾

書經

觚竹北戶西王母日下

爾雅

畢獻

方物

書經

廣哉熙熙乎

春秋左傳

知周乎萬物

而道濟天下

易經非

至德其孰能順民如此其大者乎

孝經臣聞之春秋

左傳

帝典曰禮記五載一巡守

書經周書有之

春秋左傳

又六年王乃時巡

書經禮從宜時爲

大禮記

先聖後聖其揆一也

孟子夫

聖人之德

孝經達於天地禮記洽于民心書經如時

雨降孟子

日日新又日新

禮記於萬斯年詩經

禮成

春秋左傳欣喜歡愛比音而樂之禮記五

聲和八風平

盛德之所同也

春秋左傳宜歌頌禮記小臣庶常吉

士書經

宵雅肄三

禮記拜手稽首以近

天子之光乃廣載歌曰

書經

時邁其邦

詩經

萬國咸甯

易經

一人元良屢省乃成

書經

風行地上品物流形

易經

永肩一心

書經

天施地生

易經

右恭衍時邁其邦一章

昊天其子之

詩經

惟

聖時憲

書經

四方爲綱

詩經

帝德廣運

詩經

莫如南土

詩經

萬物皆相見

易經

視

乃

烈祖曰若稽古帝舜

書經

右恭衍昊天其子之一章

實右序有周

詩經

大有巡功

春秋左傳

帝光天之下

書經

登是南邦

詩經

道洽政治民生敦

龐

書經

天子巡狩

春秋左傳

福祿來崇

詩經

右恭衍實右序有周一章

薄言震之

詩經

奮

至德之光

禮記

時乘六龍

易經

日月爲常

月禮

政在養民

書經

申錫

無疆

詩經

渙汗其大號

易經

聖謨洋洋

書經

右恭衍薄言震之一章

莫不震疊

詩經

六服羣辟

書經

動之斯和

論語

各修乃職

周禮

永康兆民

書經

惠此南國

詩經

聖人作而萬物覩

易經

天威不遠顏咫尺

春秋左傳

右恭衍莫不震疊一章

懷柔百神

詩經

類造

上帝

周禮

望秩于山川

書經

四望四類

周禮

至治馨香

書經

禮儀既備

詩經

受福無疆

儀禮

哀時之對

詩經

右恭衍懷柔百神一章

及河喬嶽

詩經

祭山曰股縣

爾雅

膚寸而合

春

秋公羊傳 升中于

天

禮記

允猶翕河 詩經

享于克誠 書經

美哉

禹功

春秋左傳

地平天成

書經

左恭衍及河喬嶽一章

允王維后

詩經

自

天祐之

易經

神明彰矣

孝經

福祿如茨

詩經

陳詩以觀

民風

禮記

則知小人之依

帝庸作歌

書經

聖人之情見乎辭

易經

右恭衍允王維后一章

明昭有周

詩經

王巡守殷國

周禮

考制度于四

岳書經

五侯九伯

春秋左傳

天子曰非他

儀禮

會其有極

書經

聿求厥宥

詩經

黎

民敏德

書經

右恭衍明昭有周一章

式序在位

詩經

百僚師師

書經

各修平乃守

周

禮

庶績咸熙

書經

會同有繹來咨來茹

詩經

聖人至德

禮記

爲諸侯度

孟子

右恭衍式序在位一章

載戢干戈

王猷允塞

詩經

西戎卽敘

書經

實畝實藉

詩經

布昭

聖武

書經

增其式廓

詩經

天其申命用休 書經 求民之莫 詩經

右恭衍載戢干戈一章

載囊弓矢 詩經 三危既宅 書經 陟我高岡 詩經

帝乃誕敷文德 書經 于疆于理 詩經 止戈爲武 春秋

左傳 莫敢不來王 詩經 屬象胥論言語 周禮

右恭衍載囊弓矢一章

我求懿德 詩經 阜成兆民引養引恬 書經 肫肫

其仁 禮記 井甃蔥韭 周禮 山澤林豎 春秋左傳

迄用康年

天子所予 詩經

右恭衍我求懿德一章

肆于時夏詩經時順而物成老有加惠春秋左

傳壽考且甯詩經入學鼓篋禮記觀

國之光易經既優既渥自

天降康詩經

右恭衍肆于時夏一章

允王保之詩經

天壽平格書經宜民宜人詩經惟

皇作極惇德允元書經遠至邇安春秋左傳萬邦惟

懷書經

天子萬年詩經

右恭衍允王保之一章

平滇頌

有序

尤侗

皇帝御極二十年

命大將軍貝子章泰綏遠將軍總督蔡毓榮等統滿漢官兵討雲南逆孽吳世璠

詔若曰此窮寇不足膏齋斧兵法攻城爲下勿肉薄傷士卒殄及平民其築長圍困之必自斃自二月至于十月城中食盡畔衆皆譁我師進克子城世璠蹙自剄僞黨開門降迎

王師以八百姓前歌後舞壺箠載道或相與垂涕曰不圖今日復爲

王人見太平也幕府上露布至京宣捷午門外羣臣

咸拜手颺言曰於鑠哉此非師武臣力繫

一人如天之福無疆惟休蓋自三桂倡亂入載于茲
踞滇爲窟狡焉啟疆竊我黔陽陷我巴蜀封豕
長蛇薦食三楚波及豫章之界蹂躪我城郭瘡
痍我人民不甯惟是又招八閩勾兩粵誘我蠢
賊以蕩搖我邊疆東南蠢動靡有甯宇于是

天子赫怒禡牙誓師大發禁旅并良家曠騎連營百
萬度支轉餉半天下舳艫牛馬終夜有聲鉦人
伐鼓一月三捷大憝稔惡天用勦絕其命賊徒
駭潰閩越之人震懼流汗匍匐乞命

朝廷下制書賜尙之信死以尺組縛耿精忠致

闕下二方底定璠猶不悛收合餘燼自竄叢棘孤雛
腐鼠保首領之不暇卒取覆亡爲萬世僂其伏
罪亦已晚矣夫以堂堂

天朝踴躍用兵殲厥小醜摧枯振落何憂不克然當
其始也一夫抗命三孽連衡若火之燎于原不
可撲滅以

皇上天威率其股肱心膂之臣熊羆虓虎之佐運籌
帷幄折衝樽俎一戰而舉荆襄再戰而收衡永
西師絕連雲之棧跨劔閣搗成都東師破辰龍
關席捲貴竹直抵苴蘭城下摩旗黥蒼之壘飲
馬盤龍之津風馳電掃谷靜山空自征伐以來

未有驅除若斯之速者也且滇雖一隅僭始莊
踦閉嶠昆明不通中國蒙杜并有六詔蠶食茲
大鄭趙楊干號令三嬪終歸段氏迨元始入版
圖明遂郡縣其地然以世祖之雄畧潁涼西平
之壯謀加以十一總管三宜六慰而伯忽舍利
畏造變于前阿資思任構釁于後蠻爭觸鬪日
尋干戈何者夜郎不知漢大聲教阻絕嗜殺怙
亂其習俗然也况叛臣教之嘯其兇族逆我顏
行驅市人于鋒鏑朝箕暮斂糜爛其室家此邦
之人水深火熱喁喁然延頸待救若枯旱之望
雨今

陛下義征不庭提赤子出沸羹之中使登衽席繫人
濮人回首面內胥沾闔澤甚盛德也雖虞帝之
格苗民殷宗之克鬼方何以加焉然後振旅而

還告

廟獻俘班朝飲至勲庸銘于鼎鍾名號昭于史冊不其
賈乎于是

天子沛然改容曰予一人敢不荷

天之寵承

祖宗三后之慶顧自軍輿宵旰不遑諸大夫勤勞于內
諸將士暴露于外烽燧所至母乃驚懼子弟憂
患長老其他飛菱輓粟疲于奔命者不可勝數

朕心閱焉賴

社稷之靈以遏亂畧罪人斯得庶幾息兵革嘉與海內
更始其頒爵賞蠲賦役赦殊死以下天下聞之
僉謂

皇上武功赫赫既如彼文命洋洋又若此博恩廣施
遠撫長駕駕車書混一符瑞響臻道侔乎乾坤德
隆乎三五雖鳴和鑾奏雅樂封泰山禪梁父夫
何憝哉小臣侗備官珥筆退而作頌一篇爰揚
至尊之光烈用告太師歌以舞萬其辭曰

皇清受命歷無疆上暢九垓下八荒大共小球皆來
王北至肅慎南越裳

天子穆穆坐明堂載櫜弓矢秉圭璋蠢爾強藩何跳
梁射天逐日肆披猖二豎從之同傾狂彭彭大
車拒螳蝦吾

皇一怒威神張手麾白旄掃機槍鑿門推轂授斧斨
礪乃鋒刃峙糗糧雷輜星駟啟戎行勢同猛虎
驅跛羊大首旣隕羣奔亡遂挽彭蠡迴瀟湘蠶
叢鳥道闢康莊木瓜金筑歸疆場競牽鐵索渡
瀾滄井蛙遺息走且僵貌如山鬼伏箐篔銅鼓
一鳴鳧鬼喪長鯨就戮短狐戕前徒倒戈爭投
降君子小人篚壺漿竹王祠下迎三郎六軍齊
轡臨城隍鞭指邛笮揮冉駹牂牁眈盱遙相望

碧鷄晝啼金馬驤彩雲飄颻昆池旁平填洱海
成田桑市廛不改耨耨長燹僮唱歌傳白狼翠
毛象齒貢梯航捷書飛羽奏明光

天顏有喜夜未央百工來賀舞且颺

帝曰嗟咨心如傷賊臣不道犯天綱良民何辜罹池
殃居者裹負行羈韁哀我人斯亦孔將刑獄幾
何念桁楊錢穀幾何問倉箱亟放赦令覃恩章
后以施命誥四方乃開石室紀太常彤弓盧矢間珮
囊龍旂和鈴儻革鶴朱鷺饒吹登廟廊職方會
同統萬邦王道蕩蕩臻平康大武止戈佳兵藏
逝將歸馬華山陽功成治定禮樂彰秩宗黼黻

夔笙簧龍圖龜書出低昂遨遊麒麟苑鳳凰黑
拒黃蓼兆豐穰青芝赤箭呈禎祥仰觀玉燭俯
金湯美哉丕基亘皇唐宜升介邱答

穹蒼云云亭亭風雨翔金泥玉檢書輝煌探策占之壽

永昌

皇清受命厯無疆

平蜀頌

有序

尤侗

臣聞虞階舞羽嘗格三苗周室櫜弓猶遷多士
維九夏之奄有彼一隅其幾何五丁武擔已受
秦擒百部斯榆旋遭漢滅公孫躍馬難逃建武
之師諸葛臥龍終下征西之檄矧茲寇狡豈敵
天威伏惟

皇帝陛下

竄作聰明

布昭神武制度則爲章雲漢敷納則若決江河午
朝聽政而兵農禮樂之咸熙乙夜觀書而雅頌
典謨之畢備丹文綠字延多講藝之官彤馬朱

軒道有懷荒之使黃皮烏弋梯山航海而來紫
脫華萃并柯共穗以獻固已幽都賜谷悉八版
圖孳尾昆虫均沾

閩澤何竟鴉音未革鷹眼仍颺聚蛾黨以警牙煩
羽林之擐甲如叛賊吳三桂者本爲亡國遊魂
竊附

新朝佐命因其倒戈而崩角遂使裂土而苴茅不思
卵翼之恩輒萌覬覦之志公然抗令肆爾稱兵
初興六詔之戎竟踞三巴之險碧鷄金馬忽起
長鯨鳥道鷺叢橫行封豕長沙青草漸成伏莽
之場西峽黃牛浸作負嵎之窟乃至憑陵四塞

煽動三方招百粵爲連鷄引八閩爲犄角助其
跋扈搖我邊疆幸二豎之投誠痛獨夫之怙亂
尙緩防風之戮終干

上帝之誅

皇帝赫斯一怒率止四征旣卜日以禡師復鑿門而
遣將鬼方之克期以三年獾狁之攻急于六月頃
者霍家驃騎直抵岳陽繼而楊僕樓船遠通彭
蠡綸巾羽扇一麾雲夢之煙盧矢彤弓大破蒲
湘之竹然而櫓槍未埽妖見旄頭車轍載馳蠢
餘螳臂豈眞夜郎自大惟恃蜀道方難倚劔閣
之千尋一丸可塞擁瞿塘之三峽百丈空牽長

封玉壘之關陡絕連雲之棧但思巫嶺帝子夢
遊誰料陰山將軍飛渡

皇帝獨持廟算廣集邊籌親推矯矯之臣密授堂堂
之陣將軍臣王進寶三秦豪傑重生景畧之才
提督臣趙良棟九校便宜素具金城之策高崇
文之智畧允足貍劉王金斌之威名雅堪馘孟
李流遺孽匹馬能驅杜宇殘疆尺箠可下于是
斜穿褒谷暗度陳倉越大散以屯營過七盤而
埋竈出其不意示以無生遂拔螯以先登並銜
枚而疾進或跨鹿頭之塞徑達成都或踰鷄首
之梁長圍聞內旌旗所指祇聞風行雷擊之聲

金鼓方鳴卽見土崩瓦解之象血流漂杵京觀
等于峨眉骨載專車降甲齊于熊耳淮西雪夜
羣喧鷺鴨之池隴首霜天盡復魚鳧之地聞風
聲而卻走王衍投綬望月影而揚鞭吳曦受縛
三軍鏡吹新翻巴夔之歌百姓壺漿爭獻郢筒
之酒錦官城上刁斗無驚玉女臺前耨耨有喜
是皆

皇上聲靈震疊賞罰嚴明布大武之三曾殪小戎于
萬里從此過師枕席懸戰鼓于銅崖摧敵鴻毛
勒銘碑于鐵柱西川父老重傳諭蜀之文南詔
官司還紀平蠻之績休哉大定永矣丕基臣幸

侍朝班欣聞凱奏謹拜手稽首而作頌曰

於鑠

皇清克配

上帝日月所照霜露所隊莫不尊親凡有血氣東漸西
被朔南訖暨

一人首出時乘六龍誕敷文德耆定武功四方無拂
萬國攸同乃命止戈撤彼藩封藩封誰何實起
莊躄弄兵滇池期不奉

詔東甌旣從南越是效三葉連衡私立名號亂之初
生阻爾絕域亂之又生訏及四國據我漢川侵
我江殲擾我秦關蕩我楚澤

天子曰咨聽予誓辭小腆不靜其要囚之殺乃甲冑
樹乃旄旗爰戒宗子張皇六師乃伐建陽建陽
率服乃臨番禺番禺來屬蕞爾蠻邦獨竊巴蜀
愚哉尉佗黃屋左纛天討有罪罪人斯斃渠魁
旣殲羽翼猶熾安有慶緒史有朝義少誠之後
尚存元濟

王用出征如震如怒進厥虎臣闕如虓虎重以推轂
奮其執鼓戰勝朝廷折衝樽俎桓桓上將左右
陳行元戎十乘用詢仇方出自南鄭底于甯羌
棧閣旣度岷嶓是疆大蓬小蓬大劔小劔地險
雖設天威何憚萬里橋邊千秋池畔肉薄蟻登

腹攻魚爛褒斜間道遂出龍門巴山席捲潼水
孟吞朱常日耀黑甲雲屯塵飛宵遁響起朝奔
五嶽摧枯千鈞壓卵秋籜隨風春蠟赴火僞師
銜刀兇徒就鎖束馬軍前牽羊道左將軍下令
不殺良民三都萬戶盡作

王人市廛無恙樓櫓重新黃童白叟歌舞成羣露布
遙傳一月三捷受賑獻俘

九重嘉悅救民水火取殘饑渴告于文人銘此功烈
釐爾圭瓚礪爾戈鋌覃及鬼方一統幅幘爰開
明堂載奏管絃臣拜稽首

天子萬年

篷窗隨錄卷二

天津沈兆澐雲巢甫輯

男維璣校

目錄

表

進四庫全書表

紀昀

爲黃太保賀平大金川表

袁枚

爲莊撫軍賀平伊犁表

袁枚

歌

平定回部凱歌

紀昀

賦

謁孔林賦

朱彝尊

孔檜賦

徐倬

進四庫全書表

紀昀

伏以

天璣甄度書林占五緯之祥
帝鏡懸光藝苑定千秋之論

立綱維於螭極函列雲珠

媿刪述於龍蹲契昭虹玉理符心矩絜三古以垂
謨道叶神樞匯九流而證聖治資鑒古德洽敷

文臣等誠懼誠忤稽首頓首上言竊惟神霄九

野太清耀東壁之星懸圖三成上帝擴西崑之
府文章有象翠媽遂吐其天苞繪畫成形白阜
肇圖其地絡書傳蒼頡初徵雨粟之祥籙授黃

神始貯靈蘭之典洞庭祕簡稽大禹所深藏柱
下叢編付老册以世守秦操金策聖籍雖焚漢
理珠囊遺經故在儒生密寶惟孔鮒之承家謁
者旁求見陳農之奉使蠅文以後篇章自是滋
多麟閣所儲條目於焉漸備杖吹藜火夜讎別
錄之編衣染鑪香坐校中經之簿王仲寶區其
流別定新志之九條阮孝緒撮其叢殘括舊傳
之五部勘書妙畫世摹展氏之圖捲幔飛仙史
載隋宮之蹟唐武德訖乎天寶鈿軸彌增宋景
祐繼以淳熙牙籤再錄南徵存玉元遷三館之
幘北極營都明運十艘之積莫不前徵蓬古丹

壺湖合雜之蹤，悲發空林青簡。孤頻斯之篆，西
州片札辨點漆於將磨南雍。殘文檢穿絲於已
斷竹編未朽名認師春瓠本猶攜橐存班固爬
羅織碎或得諸玉枕石函掇拾畸零均給以螺
丸麻紙精鏤廣購一篇增十匹之酬華贖重緇
三品別兩廂之等凡以窮搜放失獵文林辨囿
之精互鏡瑕瑜立聖域賢關之訓結德與而轄
轄軌順經涂俶學海以沿波源通道後然而掇
餘易匱四千卷既句殘膏鴛廣彌蕪百兩篇更
珍贗鼎丹青失寶或貽誚於王充朱紫相淆孰
齊蹤於鄭默甚乃別風淮雨惜奇字而編畱或

如許綠紂紅踵駁文而莫悟蘭臺度貯多如賄
改漆經棗板摹傳遂至誤尊閣本故祕書總目
鄭夾漈復議校讎而文苑英華彭叔夏重加辨
證從未有重熙累洽雲華懸紫極之庭稽古崇
儒冊府闢丹宸之館彌綸宙合識大識小之無
遺榮鏡登閱傳信傳疑之有準金模特建寶思
周融如

今日者也欽惟

皇帝陛下

瑞席蘿圖

神凝松棟

播威稜於十曲響震靈夔

治文德於四溟北開神鷲

帝媯歌詠已題九萬瓊牋臣向編摩更緝三千寶牘
博收竹素仍沿天祿之名珍比琳瑯永付長恩
之守乃猶尋端竟委溯支絡於詞源緯地經天
採精微於義海昭陽韶歲

特細翰府之藏永樂遺編

俯檢文樓之帙例取諸吳興韻海割裂雖多體宏於
孟蜀書林蒐羅終富榛楛宜翦

命刊削其譌言憑液堪珍

敕比排其墜簡焦桐漆斷重膠百衲之琴古墨銅斑

合鑄九金之鼎復以羽陵蠹剝或有存留宛委
藏餘不無佚漏十行

丹詔徧徵汲古之家七錄緝囊廣啟獻書之路逸經
斷策出自大航雜卦殘篇發從老屋錦帆捩舵
孟家東洛之船玉軼飛輪吳氏西齋之軸鱗排
玉字多玉棨之所未聞荀束金繩率張華之所
莫識光明蘭紙朱題芸帙之名蟠屈鸞章紫認
槐廳之印紅梨隔院曹司對設於東西青鏤濡
香品第詳分其甲乙

天潢演派光連太史之河卿月澄暉彩接文昌之
宿總司序錄叨揚億之華資分預校讎列任宏

之清秩銀袍應

召驥雲路以彈冠粉署徵才記仙郎而題柱懷鉛握
槩學官願效其一長切線割圍博士亦研其九
術遂乃別開書局特分署於

龍墀增置鈔胥競抽毫於虎僕圖與史竝陳左右
粉本鈎摹隸與蠅兼備古今絲痕躡扁曹連什
伍各隸屬於寫官工辨窳良均精研於計簿提
綱挈領董成者職總監修補闕拾遺覆勘者官
兼詳定庀器預儲於將作棊几筠簾專餐徧給
於大官珉糜珠餽溫鑪圍炭紋凝鵝鶻之青朗
鹽涵冰色曠玻璃之白花甌入直地同兜率天

宮蓮炬分行人到
嫵媛福地瓊箱牒送全搜
騰囊帷蓋之餘

芝殿籤排共刊木扇金華之謬程材效技各一一
而使吹累牘連篇遂多多而益辦香霏辟惡擁
書何止百城瀋漬隄糜削稟甯惟兩屋譬八衆
香之國目眩瞶於花光宛遊羣玉之峯神愕眙
於寶氣豈但鴻都多士駭聞見所未曾實令虎
觀諸儒辨妍媸而莫決所賴恭承

睿鑒提玉尺以量才仰稟

天裁握銀華而鑒物初披卷軸其掇零璣卽荷

絲綸務藹完璧吳澄易翼辨顛倒乎陰陽楊簡詩音

斥混淆乎周漢稗官勦說刪馬角之荒唐譯史
傳聞摘象胥之譎異醮章祈福發凡於劉跂之
詞語錄參禪示例於齊熙之記固已南車指路
陟道岸而衢亨

北斗旋杓揆文星而度正泊乎羣書大集品雜金沙
聖訓彌彰鑒澄珠礫詎經忌鑿黜錯簡於龜文論史
從公溯編年於麟筆立言乖體四明之錄必刪
贗古誣真五柳之名宜辨七籤三藏汰除釋老
之編五蠹九姦排斥申韓之術毒深孔雀無容
校寫其青詞巧謝璇璣未許增添其錦字小山
豔曲削香奩脂盃之篇金谷新詞刊酒肆歌樓

之句凡皆詞臣之奏進誤點丹黃一經

聖主之品題立分黑白至於銅籤報夜

紫殿

勤披

玉案開緘

丹毫

新詠五家易說歧塗附闕其傳燈四氏書箋餘緒兼
詳乎括地前車後鑒陳風雅於經筵斜上旁行
寓春秋於世本廬陵處士特申僭上之防安定
門人大著尊王之義王元杰名同讞獄爲雲谷
之重儻洪咨夔跡類探囊竊玉川之餘藩四箴

誤註甯知顏巷之心二佛同稱轉隘尼山之量
六經作繪全收諸楊甲圖中七緯成編知出自
莊周書後五音分配篆文互備其形聲二史交
參音字各通其假借古香醜韻細辨班書碎腋
穿連重刊薛史清流肇釁示鑒戒於東林正統
明尊存綱常於西蜀派沿涑水袁朱之新例兼
存俗記扶餘班范之訛傳竝訂黨碑再勒嗟揖
盜而開門權燄彌張嗤教星而替月西湖遊蹟
殊憐野老之藏名北使賓筵深陋詞臣之校射
宋鈔僅贖蒐舊志於臨安金刻稀聞寶遺聞於
貞觀或攻或守徒存十鑑之兵謀相勝相生未

信五行之德運建炎政草媿彼中興至正刑章
斥其左袒李尊洛學辨道命於天原鄙註彛書
剖源流於地理史腴詳摘有逾漢雋之精經笥
懸探更勝曹倉之富至於孔庭舊語首定儒宗
蔡帳祕文嚴排異說范祖禹之帝學具有淵源
曾公亮之武經姑存崖略橫戈危堞節取陳規
握策靈臺參徵蘇頌算窮杪忽九章研鮑澣之
藏術雜縱橫十卷稽趙甦之撰楚中隱士互權
韓柳之評葵都名賢不廢呂唐之學臚登識記
衍洪範而原非妄議井田託周官而更誤錢塘
遺事深譏首鼠於宋元曲洎舊聞微憾操戈於

洛蜀絀聰有取笏通方朔之言非佞無難慎聽
韓非之說陳思書苑列筆陣而成圖馬總意林
舉詞條而擢秀黃伯思之博洽石墨精研孫逢
吉之淹通雲龍遙溯多知舊事病歌舞之銷金
一洗清波笑詞章之諛慕太平御覽徒粉飾乎
嘉名困學紀聞偶捭彈其迂論晚唐小史八廚
甯取乎卮言南宋枝談按鞫深嫌其曲筆十七
卷騷人舊製旁證以草木之名二百年吏部清
吟特賞其煙霞之氣兼推韓杜續來鳳翥之膠
竝採郊禠擬以棠華之句文恭著作先歐尹而
孤行忠肅風裁抗蘇程而角立勤王畱守呼北

渡者凡三殉節侍郎壯南朝者惟一學如和叔
原不限以宗朱詩到儀卿乃轉嫌其入墨讀書
祕閣明詹初論古之非從宦金淵賞仇遠耽吟
之癖楊維禎取其辨統而頌莽則當誅劉宗周
閱其完忠而吠堯爲可恕凡茲

猶斷成稟

睿裁懿此同情實孚公義苞千齡而建極道出於
天綜百氏以歸型言衷諸

聖權衡筆削事通乎春賞秋刑絜度方圓法本乎

乾規坤矩是以儀璘懸耀揆景鳧趨鏞棧先鳴聆音
麇集鯨鐘方警啟蓬館以晨登鶴籥嚴關焚蘭

膏以夜繼披文計數甯止於萬七千篇按月程
功務得夫四十五日裁縫無迹先成綴白之裘
傳寫相爭齊炙汗青之竹架羅黃卷積盈有似
於添籌几擁烏皮刊謬時防其掃葉畢昇活板
漸看字是排成曾鞏官書已見序稱校上加以
乾行至健

七旬之念典彌勤

離照無遺一字之褒譏恆審梁騶練士庚郵遞初寫
之函

雲輅巡方乙夜展重修之卷至三至再戒玉楮之遲
雕數萬數千摘金根之屢誤坤原爲釜兼收刊

板之訛芋或作羊細檢鈔書之謬毫釐不漏
斲旁添待補之戈塗黠必嚴羅上辨續加之罔削
除不盡時

飭以妄下雌黃輪郭空存常

指其竟同曳白

明周織芥共欽

睿照無遺報之微涓彌覺媿心生奮若夫考勤校情
督課雖詳荷寵邀榮

恩慈實渥風雲得路先登或列於九宮

雨露均滋中考亦賜以一級柏臺聯句聽鳳律之新
聲芸署題名踵麟臺之故事墨勻蝶翅祖帖雙

鈎帙簇龍紋

天書五色猩毛擢穎賦魚子之華牋龍尾雕紋融麝
煤之芳氣銀罌翠管細縈百和之香錦段香羅
交映五明之扇繡囊委佩鈺貯朱提珍毳豐茸
帕裁白氍毹盤列飴果分西域之甘華俎嘗新
瓜勝東陵之種自

天宣賜多非夢寐所期無地酬

思惟以文章爲報周賅始末擬勒長編別採英華先
爲縮本曩長庚之紀歲慶叶

嵩呼屬太乙之占祥象符奎聚八年敬繕挹古今四
庫之精兩部分儲合大小二山之數惟全書之

浩博實括羣言合衆手以經營倏逾數載香薰
蘭積方粗就而未終閤聳雲楣已先成以有待
丈河疏瀹初如江別爲三筆海朝宗繼乃瀆增
以四望洋無際慮創始之爲難登岸有期幸觀
成之可冀較刪繁之別帙又閱兩年勤彙總之
鴻裁乃盈一部插籤分帙次按乎甲乙丙丁列
架臚函色別其赤青白黑經崇世教貴實徵而
賤虛談史繫人心削誣詞而存公論選諸子百
家之粹博收而不悖聖賢懲十人九集之非嚴
汰而甯拘門戶上浴虞夏咸挹海以求珠下採
元明各披沙而見寶六千篋璋分圭合延閣儲

珍二百卷部次州居崇文列目釋名訓義因李肇之解題考異參同近歐陽之集古事稽其實循文防誤於樹萱詞取其詳求益非同於買菜人無全美比量其尺短寸長語或微疵辨白其玉瑕珠類一經採錄真同鯉上龍門附載姓名亦使蠅隨驥尾元元本本總歸

聖主之持衡是是非非盡掃迂儒之膠柱至其盈箱積案或汗漫而難尋復以提要鉤元期簡明而易覽譬諸典謨紀事別行小序之一篇類乎金石成書先列諸碑之十卷分綱列目見義例之有條按籍披圖信源流之大備四水瀛而五山

嶽侔此壯觀前千古而後萬年無斯巨帙蓋非
常之制作天如留待於今而希有之遭逢人乃
躬當其盛叨司校錄實忝光榮臣等功謝囊螢
識同闕豹鑽研文字未能脈望之通仙延緩歲
時僅類鞠通之食墨仰蒙

訓示得聞六藝之源曲荷

寬容許假十年之限百夫決拾望學的而知歸一簣
成山營書巖而幸就欣陳實笈對

軒鏡之澄光恭進

瑤階同義圖之永寶從此依模范狀若疊矩而重
規因之循軌知途益輕車而熟路先難後易一

隅可得而反三謀始圖終百里勉行乎半九精
心刊誤八行細檢朱絲協力鳩工萬指齊磨烏
玉連綿告歲並看四奏

天間迅速先期不待六更歲籥人文成化

帝機運經緯之功

皇極敷言

王路示會歸之準觚稜雲構窳窳乎銀胸璇題方策
星羅珍貴乎金膏水碧曰淵曰源曰津曰湖長
流萬古之江河紀世紀運紀會紀元恆耀九霄
之

日月並五經以樹訓道通乎丹書綠字之先合六幕

以同文治超於元律蒼牙之上臣等無任瞻

天仰

聖踴躍歡忭之至

爲黃太保賀平大金川表

袁枚

臣聞天地生成溫肅並行之謂道皇王敷化神武不殺之爲功德至聖則股肱之効力也神化極隆則宇宙之包容者大欽惟

皇上陛下秉神機而理百度握金鏡以御四方震旦國中金輪光湧指南車上鐵鞞痕消久已四海鶉居八荒蛾伏乃逆苗莎羅奔良爾吉等夜郎自大邛竹未供懷駒支漏洩之謀走巖翫蠶叢之路以爲湯升陟野巢伯可以不朝禹會塗山防風且將後至

皇赫斯怒我武惟揚街亭撤馬設之軍巴蜀用崇文

之將設金方一道從枕席行師聚米殿前早見
丸泥之狀借籌闔內預知沃雪之功蓋王者之
兵原不得已而後用非常之將亦秉成訓而始
行則有經畧臣傅恒穆行忠裕義心清尙雷符
星斗光顏自有旌旗干櫓戈矛賀齊別爲文畫
磨劔則崆峒飛雪彎弓而太白揚眉金累爲之
開山黔羸爲之領路斬皇甫文之頭先除謀主
超張須陁之柵多用奇兵百尺井闔射公孫樓
上千羣火雉投姚襄陣中周訪之兩甃忽鳴光
弼之三麾至地山形拔而不假五丁之力天網
密而但求一面之開正月初六日逆苗面縛詣

大軍乞降當是時也雲捲天衡日生倍璠砂能
表赤大書北向之旗水尙知歸敢射南飛之鴈
在諸將以爲獸將八檻雖搖尾而法無可寬在
聖人以爲鳥已含環旣投懷而情難盡殺蓋當日之
興師也原非貪其土地人民而必置之于死故
此日之受降也實不忍其悔過服罪而姑宥之
以生于是廷光城下馬燧披襟回紇帳中子儀
免胄媿徒虜至捧牢賞以趨踰穢人兒啼擊蒙
排而泣下倏錢寶布爭貢包茅渝舞巴歌長府
槃木赤眉得不死之詔南人無復反之心火鼠
窮郊留將軍畫像元跡外境傳露布風聲羣獠

聽飲至之文吹蘆相告野老讀班師之詔鼓缶而歌大凱來旋策勳告廟此皆我

祖宗在天靈爽暗靖妖氛我

聖母覆物仁慈挽回和氣故能有征無戰惟斷乃成念切顯揚式崇

徽號宣仁家法安邊塞于宋朝太姪徽音贊崑征於周伯輝生寶冊喜溢彤庭臣未列銀刀空名節度願供金版上佐秋官羌女呵陵曾隸韋臯之籍夷男始艾愧無仲郢之功遠百辟之班聯心知舞蹈獻

九天之春酒花滿江南

爲莊撫軍賀平伊里表

袁枚

欽惟

皇帝陛下八紘靜塵十洲澄鏡久已填盧山于赤縣
擁狼望于黃圖惟淮噶爾部落遠恃流沙荒驕
大漠屢稽質子不供包茅我

聖祖萬乘親征掃蠭蝟之絕塞我

世宗五兵暫戢貸鳥鼠之餘魂如後漢之與南夷七擒
七縱比延光之于西域三絕三通未嘗不以丹
水之師遠期伯禹崇墉之伐深望姬昌也今達
爾北自嚙焦梨達瓦齊形同尸逐牛羊不壯知
突厥之將亡魚鼈無橋識東明之不渡坐金牀

以望太歲星拱中華祀獯狁而問大神巫誇漢
盛是以車楞烏巴什與阿睦爾撒納等或舞天
先至或嗅地旋來當是時也五噶遺孽只用箠
笞九塞旋風但需鞭打倘杜崇拒單于之上表
則安國必捲帳而自驚班超還疏勒而先歸則
黎弁以遠漢而自到懷皇仁者雖歌槃木議國
事者爭棄珠厓

聖上以爲非常之原黎民所懼先幾之務惟斷乃成
在貞觀之拒康居雖云量力而建武之辭西域
終少雄圖乃射宛竹以卜西羌推棋枰而決大
策韞盾一戟龍麗十重網設周防軍馭鐵拔以

党項爲前導故知吐谷之風沙假北鞬爲疑兵
遂抵焉耆之巢穴周道如砥漢將皆飛反首芟
舍而奔者虜行如風繩行沙度而來者視道若
咫尺收黑山四百三之部落耀朔方十八萬之旌
旗雪嶺橫天上下搜而全無虜跡賢王伏地左
右視而都是陪臣築三受降城置五屬國府使
漢家長無北念信中國果有聖人數武庫之兵
未遺一矢計鬼方之克何有三年檄傳古莽而
猶驚碑借崑崙而尙小凡魚支之鞞婆駝之樂
鼈封三日權扶兩頭朱蒙爲河伯外孫老湖號
大荒樸父靡不分頽將士布列郊圻圖王會于

明堂坐舌人于門外陳牲告廟慰

列祖在天之靈普冊承歡加

聖母深宮之膳捷書夜至羣臣悟怯戰之非

恩旨朝頒天下以從軍爲樂臣伐吳定策既有愧于
張華平蔡刊碑又有慚於韓愈願譯歸義之章
隄官魄搆更歌奉聖之樂獨鶴琴驟庶中雀躍
之忱聊補鏡歌之闕

平定回部凱歌

紀昀

臣聞五材並用爰制干戈九伐斯張是聲鐘鼓狼
弧下指

王師握大順之機虎旅長驅

天討據無前之執芒橫太乙凌絕域而皆通響激豐隆
摧凶鋒而立破蓋參旗井鉞六軍氣象原尊故月
竈星源一統規模自遠欽惟

皇帝陛下天樞高摯地絡宏包統馭三靈昭宣七德前
以削平乎僭竊遠出陽關因而戢定其封疆全收
陰磧六丁雷電下臨烏弋之城八陣風雲直抵黃
支之國兜題立縛組繫降王唐祚新歸歌通譯使

雖有蝟鋒螳斧敢繼起以憑陵一經夔鼓龍旗竝
相隨而掃蕩

錫南車以指路妖霧全消隨

北斗以旋樞將星齊運應龍一下蚩尤之仗都摧妖
鳥羣呼庭氏之弓莫避荒山寂歷長囚貳負之尸
大漠蕭條誰作形天之舞玉笛平羌之曲聲徧甘
州金笳入塞之吟春回苦谷營開萬里新標定遠
之名壘築三城盡是受降之地大宛貢馬無煩昧
蔡之重封勃律輸香願受歸仁之舊號惟逆回波
羅泥都霍集占等白題分部羣居葱嶺之隈赤板
爲鄰潛聚花門之種弟兄相倚僑如左右乎桀如

墟落遙通突利聲援乎頡利貪殘爲性虺毒潛吹
狡黠成風豺牙密厲初遇莎車之勁敵迫徙俞林
遂以蒲類之辱王幽居阿惡蕭蕭松柏渠酋則繫
若纍俘僕僕山川部曲則役如臣妾鯨吞靡盡紈
牛之畜牧全空蠶食無涯騎馬之金錢並竭幸

天兵之薄伐得寬無弋之囚因故國之重歸竟脫貲姑
之役招攜舊部五翎侯復得相從營戢荒城二昆
莫依然並建慕容順之封西海已拜唐官尉屠耆
之入杆泥實隨漢使巢林春燕久矣無家銜索枯
魚倏焉得水縱使白環以效貢未足酬

恩乃當丹浦之陳師反思助逆陰山風吼颯茲之四鎮

相驚瀚海塵飛疏勒之孤軍遂困星軺奉使持虎
節以無歸雪嶺屯兵阻龍堆而暫梗鯨魚跋浪竟
興風雨之妖梟鳥成羣敢犯雷霆之怒九嬰相扇
甘自外于

堯階三葉當鉏難倖寬于

湯鉞

皇上用是靖茲邊徼召司馬以蒐兵揚我軍鋒射封狼
而示戒橫天玉弩直捎太白之芒出塞金饒大練
中黃之士牙旗畫樹

詔出甘泉桐鼓宵鳴路通鹽澤千牛分衛

禁營宣控鶴之軍萬馬揚鑣

內苑出飛龍之廢索倫鼓勇青羌之勁旅橫戈蒙古
從公白霽之名王執挺茫茫枯草氣薄天山颯颯
長風執回地軸衝車交舞陣前之明月齊鸞突騎
爭呼城上之殘虹欲斷乃以軍中失律有殊細柳
之行兵因之徼外偷生猶緩樓蘭之對簿賴我

皇上明刑飭罰易帥臨戎俾軍紀之一明乃士心之彌
奮牙璋迅速再揭辰旂玉帳森嚴重屯戊校

詔以臣兆惠爲將軍以臣富德爲之副窮搜二豎務懸
毋寡之頭先定諸城預斷匈奴之臂七百梯雪山
之路直搗蕃營十三部鐵勒之兵俱隨唐將角聲
吹月中天耀弧矢之星劍氣衝雲列宿通旗鋒之

象桓桓驍騎立看日逐成擒屹屹重關早已夙沙
自潰連營鏡吹驚屋瓦以皆飛一路戈鋌入城門
而不閉麗譙踏雪不煩鵝鴨之聲睥睨垂花未試
鸛鵙之刃人無後至冀得免于焚巢兵有先聲遂
不殊于破竹星芒一片親摩大食之刀月色三更
看采于闐之玉是皆

威弧在握西人之膽先寒所以武帳臨邊南仲之師屢
克于是乘軍聲之大振奮策前驅及戰氣之方新
揚麾深入層冰匝墜細辨狐踪疊嶂摩天直探虎
穴掃欃槍于雁磧志不空還指葦李于龍沙義無
返顧我

皇上乃明操金鏡照六合而無遺高握璇樞計萬全而
不爽赤囊未遞先知鄭吉之圍白羽遄飛早解耿
恭之困爪牙是寄奮我前茅臂指相維繼以後勁
驅來宛馬久肥苜蓿之苗統出燕犀爭淬芙蓉之
鏑三花駿鬣直教逐日而行五色高牙倏已自天
而下果遇臣兆惠等乘虛深入衝萬里之黃雲據
險相持限一灣之黑水日弓月矢方轉鬪以無休
鐵額銅頭竟屢摧而不退螯弧一奮進尙舉旗刁
斗相聞退仍築砦雲梯爭舞合圍者不啻千羣星
劍頻揮拒敵者倏經三月我援兵乃恭承

神策問道行師迅赴戎機擒生問路幾重亭障直過飲

馬之泉不盡關山飛躡射雕之騎初以馳驅乎遠

道魯縞未穿旣而迅發夫奇兵鄭旗遂獲銜枚卷

甲邊月微明飛矢揚兵陣雲忽起寒飈凜冽我軍

乃倍覺驍騰夜色昏黃賊黨遂自相擊觸驀坡注

澗誰當犀手三千流血僵尸已得虵矛丈八寥寥

大野星狼之焰全燧子子殘兵風鶴之聲尙恐遂

得二軍之合隊立破重圍繼乃兩路以興兵直摩

堅壘師行六月正符吉甫之詩時屆三年宜奏鬼

方之捷爲鵝爲鶴壁壘一新如火如荼旌旗倍壯

赤茸搖鞞振玉隴而皆驚朱鬣揮戈躡鐵山而欲

碎鷹鷂爲幟大軍之猛氣先揚草木皆兵餘孽之

殘魂倍慄燕方巢幕原撫已以知危猿更投林冀
依人以自活河魁列帳軍中之銅虎初行山鬼潛
踪階下之金駝早棄震驚兵執有如蟄戶聞雷揣
度師期宛似穴居知兩荒城寥落空留綠玉河邊
殘衆扶將齊拜碧油幢下高墉不守已因壘而皆
降壯士橫驅乃長歌而竟入收其版籍隸在司徒
定其租庸統于都護封疆如故奧韃與窟匿相連
侯尉增新譯長與君冬並設銅山別鑄全銷安息
之錢石廩不移仍貯康居之穀突厥之東西兩部
盡入黃圖單于之南北二庭俱歸赤縣遂乃吳鉤
御月遠逐烏孫漢箭捎雲窮追白狄驚蓬卷地驅

將校以爭先荒草黏天訊俘囚而得路根敦城畔
吐谷渾雖已全逃唐翼谷中先零羌猶然未度魚
真在釜安得揚鬢狐欲渡河無如曳尾追及之于
霍斯庫魯克紅陽奮躍蹋山石而皆穿紫電交揮
激天風而倏起黃塵匝地格鬪者一可當千白革
迷蹤披靡者十纔贖五呼聲合沓狼頭之纛將摧
兵氣飛揚燕尾之旗並舉旄頭欲落方戰苦而雲
深畫角猶鳴乃途長而日暮馬嘶空磧幾縷霞紅
雁入寥天一時月黑以夜行而不辨尙宵遁而未
禽于是再礪戈矛重張旗鼓路通汜水定窮回紇
之蹤地盡崦嵫務斬邛支之首再追及於阿爾楚

兩相其地勢至阪陵谿谷之形攷以兵書是刀盾
矛鋌之所整齊八纛偏伍相承部署五兵方圓互
用上軍下軍之外摯以中權右角左角之間導以
前拒八門已啟儼成風后之圖一鼓先登竟躡月
支之壘排空直上披榛莽以皆開絕迹飛行凌崎
嶇而莫阻爭攏白刃金鐵皆鳴匝紅塵風沙亂
舞半天霹靂橫飛列缺之芒萬仞巉巖中裂巨靈
之掌層巒疊嶂染山骨以皆紅豐草深林蕪雲根
而並赭長虹墮地何處揚旗短蜮含沙一時卸弩
顛連失步不矜九象之雄瑟縮求生僅作六羸之
遁爾乃青鳶揭旆平驅逐北雄師白鴿揚鞭更簡

征西勁卒急躡之于伊西洱庫爾左臨大澤蒼茫
積水之區右界崇山詰曲穿雲之路青嵐崑崙有
甚蠶叢白道縈回難成鶴列逆回等雉方帶箭已
經五采離披虎尙負嶠自恃千盤鬱崔收其餘燼
重鳩漏網之徒陟彼高岡先據建瓴之執丹梯無
路難相接以短兵紫焰衝雲用遙攻以利器千丈
鼓赤龍之鬣石角平摧七星召朱鳥之神金丸亂
灑火珠激射仁鷲吐火之民雷鼓砰訇忽震無雷
之國風烟瀕洞直疑海水皆翻草樹焦蜃遂使山
精盡駭衝鋒越險摧輪雖似於羊腸稽首呼降棄
甲竟齊于熊耳力窮五技鼯鼠方逃戰閱三交攝

聽竟棄奔如夸父惟隨日影而行走若蜚廉冀免
海隅之戮於時拔達克山汗素爾坦沙仰懷

聖德負弩趨風夙懼

皇威執受効命陳庭飛隼本貫矢而相投魏國驚鴻遂
聞絃而自落駒支受令用成犄角之形長狄稱兵
終得春喉之禍尺書所至奮勇擒王重譯而來輸
誠獻馘裂肩有據已申絕轡之誅殘骨仍存尙辨
專車之狀蕃庭飲器降牋送未漆之頭漢代藁街
驛使遞待懸之首妖氛旣淨光耀三精絕徼齊歸
地窮八柱河山曼衍萬年八白阜之圖宮徵鏗將
十曲奏黃神之樂仰見我

皇上文昭雲漢四表同光武奮雷殛萬靈受職啟兵禁
暴式彰有截之勳和衆安民永固無窮之業昔者
冉駝大定杜鵑申北向之心今茲回鶻全平天馬
進西徠之頌是皆

睿謨獨斷力排築室之謀

神武遐宣克奏犁庭之績湖達瓦齊就俘之日纔閱五
年計庫車城申討之時僅餘兩載三征三克易若
摧枯再叛再平驗如操券渠魁授首默德那之種
落咸歸荒裔傾心速魯檀之版圖並隸䟽通兩道
甯止萬三千里之遙考定諸躔已出二十八星之
外臣開闢不臣之地

德邁羲軒建古今未建之勲

業超舜禹從此瓜沙左右爭事春農蒲海東西無勞秋
戍正六符以育物珠斗經天越九譯而來賓金甌
紀地三十六國羣瞻有道之

天萬人千年共祝無疆之

壽定知寰中之歌舞雷動歡聲甯惟閩外之麾幢雪融
喜氣臣金鰲侍直叨列清班玉虎徵祥躬逢

盛世

天威遠播欣聳吉語之來

聖烈昭垂宜有頌聲之作竊惟弦弧剡矢所以保大而
定功鳴篳吹竽所以建威而揚德周官愷樂職在

太師漢氏饒歌掌于協律聲詞合寫十八章舊調
無傳篇目相沿廿二曲新聲數變晉人倣古始號
凱歌唐代承流漸諧律體緬惟貞觀初成五字之
詩亦越嘉州遂矧七言之製攷其節奏雖開元以
後之音稽厥淵源實常武諸篇之義故當世或施
絃管而後來亦播詠歌謹倣其體爲班師凱歌十
二章恭呈

御覽樂以象功知莫罄

高深之量詩以言志庶竊申抃舞之忱其詞曰
喧喧簫鼓凱歌音半捲紅旗入鳳林曾是

軒轅親教戰霜天曉角尙龍吟

妖星墮地響如雷風捲陰雲萬里開邊月高高天
似水捷書一夜過輪臺

穉雁連天西海頭六軍回馬唱涼州擒王破陣須
與事誰賦金闈上翠樓

故壘茫茫大夏城蘆笳吹作人邊聲回頭博望浮
槎地曾是西來第一程

鏡歌一路響寒雲獵獵風生萬馬羣行到來時會
戰地降蕃猶認上將軍

滿耳秋風入短簫黃榆葉落草蕭蕭西蕃已破無
征戰人向高原試射雕

赤土山前雪打圍桃花叱撥繡弓衣風雲也稟

天朝令滿積平沙靜不飛

雕鶚飛揚大將旗提兵兩度上崦嵫回軍却過龜
茲壘一笑當年李靖碑

勒石燕然莫更論且看走馬定堅昆垂楊綠到其
摩寺甯止春光度玉門

多少降羌逐馬蹄

芙蓉闕下貢文犀蕭關候吏如相問家在條支更向

西

鵝翎長箭虎紋鞞歌舞還朝拜

玉階今日方知

神武畧書生何用議珠厓

射盡鯨鯢海不波
洗兵真看挽銀河
笛中一曲平西足
誰數摩訶兜勒歌

謁孔林賦

朱彝尊

粵以屠維作噩之年我來自東至於仙源斯時也
壇杏花繁庭檜甲坼元和之犧象畢陳闕里之榛
蕪盡闢旣釋菜於廟堂旋探書於屋壁乃有百石
卒史導我周行牽車魯城之北縹馬洙泗之陽卽
大庭之遺庫循端木之故場驕孫耐兮居前聖子
藏兮在左自黃玉之封緘閤幽宮而密鎖隕長鯨
兮不驚懾祖龍兮遠禍除荆棘之叢生罕翔禽之
飛墮雨露旣濡遲景東隅整衣裳之肅肅正顏色
之愉愉展謁方終誕尋往蹟超白兔之深溝撫青
羊之臥石爰有草也苞著其名守之以龜一本百

莖我求其德洵圓且靈爰有木也題之以楷非柏
非樅靡癭靡痠歷千禩而長新貫四時而不改惟
先師之遺澤道莫著乎六經配光華於日月若迭
奏之琴箏降而後儒各事宋獲中文古文之書先
天後天之易目鄭衛以淫邪誣春秋以深刻藐往
哲之嘉謨恆末師之是則滔滔天下後死其悲安
得起素王於泉壤操筆削而正之我思古人恥同
汚俗或六聘而收身或三詔而逃祿或依李充之
山或就張超之谷潛戶壁於服虔變姓名於梅福
入源水兮栽桃隱丹霞兮種竹詎如此地桑海不
遷可游可息有歌有絃耳不聞僧尼之魚板目不

賭旗鼓之樓船樂土樂土速營一塵願爲林戶躬
耕墓田庶幾近聖人之居讀聖人之書將不得爲
聖人之徒也與

孔檜賦

徐倬

昌平之里鬱葱聖域獨產神蒼不生荆棘女貞扶
荔粉榆楷柏奇卉嘉樹五方所集惟茲神檜文宣
手植葉剗芳蕤木落枚條獨畱孤幹亭亭巖巖風
霜閱歷時代殷遙非桓魋之可伐豈秦火之能燒
其爲色也不涅而淄不黔而墨如齊室之深衣如
陽臺之晡髮其爲狀也斑龍脫角馴象摧牙如梅
冶之畱根如河上之浮槎其爲質也抵蟠鐵屈幹
古銅鏗如泗濱之響石如瀨水之精金矗峙瓊霄
孤撐玉府嚴風撼頓而不驚奔電礪突而彌固偕
日內之扶桑窮羿投弓同月中之丹桂吳剛罷斧

未受大夫之封不號將軍之樹長與杏壇爲鄰相
無窮於終古若夫梓隱青牛松形白鹿金谷烏裊
蘭亭修竹小山之叢桂飄香唐昌之仙蕊飛玉雖
芳馥於當年不崇朝而委身於樵牧卽如石紐空
桑南國甘棠虞廷抽其屈軼禹寢駕乎梅梁然亦
隨時序爲榮落未聞傑立於千霜至於賴鄉之苦
李身毒之娑羅漆園靈椿之悠逸金墉桃核之磊
砢此又岐枝之槎枿不比正學之靈柯安能並日
月而照耀隨天地而不磨於焉屈

乘輿臨閤宮摩挲勞乎

御腕顧盼入於

重瞳歎先聖之手澤羨儒園之芳風龍衣藻冕殷勤披
拂金支翠帽延伫從容一作師而一作

君將後先之揆同永摯乾而柱坤歷萬古兮何窮